

尺牘雋言卷之六

閩莆陳臣忠景周甫輯



日斯甫校

宋

遺韓延之

武帝

譙王休之爲平西將軍子文思出嗣譙郡王在京師招集輕俠高祖執送休之自處休之表廢文思後結雍州刺史魯宗之共誅執政高祖親征休之密書格休之錄事延之

文思事源遠近所知吾受命西討止其父子而已彼上僑舊爲所驅逼一無所問往年郗僧施謝邵任集之等交構積歲專爲劉毅謀主所以至此卿等諸人一時逼迫本無纖釁吾處懷期物自有由來今在近路正是諸人歸身之日若大軍登道交鋒接刃蘭艾吾誠不分故具示意並示同懷諸人

尺牘雋言

卷之六

下有司

武帝

吾忝大寵思延賢彥而兔置潛處考槃未臻側席丘園良增虛佇南陽宗炳雁門周續之並植操幽栖無悶巾褐可下辟召以禮屈之

荅羣臣

徐羨之等廢少帝義符迎立都王義隆于江陵王下敎云

文帝

皇運艱弊數鍾屯異猥以不德謬降大命顧已驚悸

何以克堪。輒當暫歸朝廷。展哀陵寢。并與賢彥申寫所懷。望體其心。勿爲辭費。

詔報衡陽王義季

文帝

義季嗜酒。帝累詰責。義季引愆陳謝。詔報之。

故將軍蘇徽。耽酒成疾。旦夕待盡。吾試禁斷。并給藥膳。至今能立。此自是可節之物。但嗜者不能立志。裁割耳。汝既有美尚。加以吾意殷勤。何至不能慨然。深自勉厲。乃復須嚴相割裁。坐諸紕紕。然後少止者。一門無此醜酒。汝於何得之。臨書歎塞。

尺牘舊言

卷六

又詔

義季遷徐州刺史。索虜侵逼北境。義季無他。經略惟飲酒而已。

文帝

賊初起逸。未知指趨。故止裝束。兼存觀察耳。少日勢漸可見。便應大有經略。何合安然。遂不敢動。遣軍政。欲乘際會。極危急。以申威援。本無驅馳平原。方幅爭鋒理。又山路易馮。何以畏首尾。廻弱。若謂事理政。應如此者。進大鎮。聚甲兵。徒爲煩耳。

詔羣臣

文帝

吾少覽篇籍。頗愛文義。游玄玩采。未能息卷。自纓緋世務。情兼家國。加疲疾少增。志隨時往。屬思之功。與

事而廢。殘虐游魂。齊民塗炭。乃眷北顧。無忘弘拯。思
總羣謀。掃清逋逆。感慨之來。遂成短韻。卿等體國情
深。亦當義篤其懷也。

與魏世祖招跋燾

文帝

自頃歲成。民阜朝野。無虞春末。當東巡吳會。以盡游
豫。臨滄海。探禹穴。陟姑蘇之臺。搜長洲之苑。舟楫雖
盛。寡於良駟。想能惠以逸足。令及此行。

復高祖

司馬休之

辱疏知以譙王前事。親帥戎馬。遠履西畿。良增歎息。
又續馬言 卷六

司馬平西體國忠貞。欵懷待物。以公有匡復之勲。家
國蒙賴。推德委誠。每事詢仰。譙王見劾。自表遜位。又
奏廢之所不盡者命耳。而公以此遽興兵甲。所謂欲
加之罪。其無辭乎。吾誠鄙劣。嘗聞道於君子。以平西
之至德。寧可無授命之臣乎。假令天長喪亂。九流渾
濁。當與滅洪遊於地下耳。

與殷琰

晉平王休祐

君本文弱。素無武幹。名器清顯。不應復有分外希覬。
近者之事。當是劫於凶豎。不能守節。今大將軍長驅。

凜然生氣

已造城下。勢孤援絕。禍敗交至。顧昔情款。猶有惻然。聖上好生惡殺。遐邇所聞。顧琛王曇生等皆軍敗。逆走被草乞活。尚蒙恩恕。晏處私門。今神鋒所臨。前無橫陳。况窮城弱衆。殘傷之餘。而欲自固乎。若開門歸順。自不可失富貴。將佐小太。並保榮爵。何故苟困士民。自求壑臙。身膏斧鑊。妻息并盡。老兄垂白東市。受刑邪。幸自思之。信言不爽。有如皎日。

與殷琰

劉劭

夫擁數千烏合。抗天下之兵。傾覆之狀。豈不易曉。所

尺牘萬言

卷六

四

以復有此白者。實惜華州重鎮。鞠爲茂草。兼傷貴門。一日屠滅。足下若能封府庫。開四門。宣語文武。示以禍福。先遣咫尺之書。表達誠款。然後素車白馬來詣轅門。若令足下髮膚不全。兒侄凋耗者。皇天后土。實聞此言。至辭不華。寧復多白。

臨終遺弟晦

字宣明

謝瞻

字宣遠

吾得啟體幸全。歸骨山足。亦何所多恨。弟思自勉。厲爲國爲家。

與廬陵王義真箋

謝靈運

會境既豐山水。是以江左嘉遁。並多居之。但季世慕榮。幽栖者寡。或復才爲時求。弗獲從志。至若王弘之拂衣歸耕。踰歷三紀。孔淳之隱約窮岫。自始迄今。阮萬齡辭事就閒。纂成先業。浙河之外。栖遲山澤。如斯而已。旣遠同義。唐亦激貪厲競。殿下愛素好古。常若布衣。每憶昔聞。虛想巖穴。若遣一介。有以相存。真可謂千載盛美也。

荅范特進

謝靈運

山澗幽阻。音塵闊絕。忽見諸讚。嘆慰良多。可謂俗外。

尺牘雋言

卷六

五

之詠。尋覽三復。味玩增懷。輒奉和如別。雖詞不足。睹然意寄。盡此從弟。惠連後進。文悟衰宗之美。亦有一首。并以遠呈。

荅綱琳二法師

謝靈運

披覽隻難。欣若暫對。藻豐論博。蔚然滿日。可謂勝人之口。然未厭於心。聊伸前意。無由言對。執筆長懷。

與王曇生

王弘之卒。延之欲爲作誄。竟不就。

顏延之

字延之

君家高世之節。有識歸重。豫深毫翰。所應載述。況僕託慕末風。竊以敘德爲事。但恨短筆。不足書美。

與從弟僧綽

王微 字景玄

吾雖無人鑒。要是蚤知弟。每共晏語。前言何嘗不以
止足為貴。且持盈畏滿。自是家門舊風。何為一旦落
漠至此。當局苦迷。將不然邪。

報羊希

字泰聞

周朗

字義利

吾幸病不及死。役不至身。蓬藜既滿。方杜長者之轍。
穀稼是訟。自絕世豪之顧。塵生牀帷。苔積階月。又檐
中山木。時華月深池。上海草。歲榮日蔓。且室間軒左。
幸有陳書十篋。席隅與右。頗得宿酒數壺。按絃拭徽。
讐方校石。時復陳局露初。奠爵星晚。驪然不覺是義
軒後也。

尺牘雋言

卷六

六

辭衡陽王義季箋

孔顓

字思遠

顓少淪常檢。本無遠植。榮進之願。何能忘懷。若實有
螢燭增暉。光景固其勝。聲之日飛。藻之辰也。豈敢自
求從容。保其澹逸。

與顏竣

劉瑀

字茂琳

朱修之三世叛兵。一旦居荊州。青油幕下。作謝宣明
面見。向使齋帥以長刀引吾下席。於吾何有。政恐旬

洒然自得

奴輕漢耳。

與王僧達

丘珍孫

褚伯玉字元璩吳郡錢唐人居剡瀑布山三十餘年隔絕人物僧達爲吳郡苦禮致之停郡信宿裁交數言而退

聞褚先生出居貴館。此子減景雲棲。不事王侯。抗高木食。有年載矣。自非折節好賢。何以致之。夫却粒之士。餐霞之人。乃可暫致。不宐久羈。君當思遂其高步。成其羽化。望其還策之日。暫紆清塵。亦願助爲譬說。

荅丘珍孫

王僧達

尺牘雋言

卷六

七

褚先生從白雲游舊矣。古之逸民。或留慮兒女。或使華陰成市。而此子索然惟朋松石。介於孤峰絕頂者。積數十載。近故要其來。此冀慰日夜。比談討芝桂。借訪荔蘿。若已窺煙液。臨滄洲矣。知君欲見之。輒當申譬。

與沈璞

王僧達

想館舍正安。士馬無恙。離析有時。音旨無日。憂咏沈吟。增其勞望。間者獯獠扈橫。掠剝邊鄙。郵販絕塵。坰介靡達。瞻江盼淮。眇然千里。

奉太宗啓

薛安都

安都為徐州刺史太宗卽位進號安北將軍
安都不受舉兵同晉安王子勛反子勛平定
安都遣使
奉啓歸款

臣庸隸荒萌偷生上國過蒙世祖孝武皇帝過常之
恩大馬有心實感恩遇是以晉安始唱投誠孤往不
期生榮實存死報今天命大歸羣迷改屬輒率領所
部束骸待誅違拒之罪伏聽湯鑊

登大雷岬與妹

鮑照

字明遠

吾自發寒雨。全行日少。加秋潦浩汗。山溪狼至。棧石

尺牘雋言

卷六

八

星飯結荷水宿。旅客貧辛。波路壯濶。始以今日食時。
僅及大雷。塗登千里。日踰十晨。嚴風慘節。悲風斷肌。
去親為客。如何如何。夕景欲沈。曉霧將合。孤鶴寒嘯。
遊鴻遠吟。樵蘇一嘆。舟子再泣。誠足悲憂。不可說也。

與王僧虔

檀珪

字伯玉

經涉五朔。踰歷四晦。書牘十二。按觀六七。遂不荷潤。
反更曝鰓。蟬腹龜腸。為日已久。餓虎能嚇。人遠與肉。
餓麟不噬。誰為落毛。

與子侄

雷次宗

字仲倫

吾童稚之年。已懷遠略。弱冠托廬山。事釋和尚。游道
餐風二十餘載。淵匠既傾。復與汝曹歸耕先隴。山居
谷飲。忽復十年。及今未老。尚可勵志成西歸之津梁。
自今以往。家務大小。一勿見聞。

詔顧道士

名歡字景怡

朱廣之

字處深

夙漸法化。晚味道風。常以崇空貴無。宗趣一也。蹄網
雙張。義無偏取。各隨曉入。唯心所安耳。何必龍袞可
襲。而瓔珞難乘者哉。自貧來多負。研斲沈替。緘卷巾
牘。奄逾十載。幼習前聞。零落頓盡。蘊志空年。開瞻靡

尺牘雋言

卷六

九

階。每獨慷慨。遙夜輒起。申旦忘寐。而清心遠信。纏苦
彌篤。若夫信不沿理。則輕泛無主。轉墜之賓。因斯而
起。是以罄率狂管。書述鄙心。願重為啓誨。敷導厥疑。

與道明

袁粲

字景倩

頻見亮公。非常人也。比日聞所未聞。不覺歲之將暮。
珠生合浦。魏人取以照車。璧在邯鄲。秦王請以華國。
天下之寶。當與天下共之。非復上人。貴州所宜專也。
齊

詔將軍李安民

武帝

青徐泗州義舉雲集安民可長轡遐馭指授羣帥

手詔張融字思光

武帝

見卿衣服粗故誠乃素懷過爾藍縷亦虧朝望今送
一通故衣意謂雖故乃勝新也是吾所著已令裁減
稱卿之體并履一量

勅廬陵王子卿

武帝

汝比在都讀學不就年轉成長吾日冀汝美勿得慙
如風過耳使吾失氣

荅王僧虔

竟陵王子良

尺牘雋言 卷六

十

子邑之紙研妙輝光仲將之墨一點如漆伯英之筆
窮神盡意妙物遠矣邈不可追

誠子

王僧虔

汝年入立境方應從官兼有室累牽役情性何處復
得下帷如王郎時邪爲可作世中學取過一生耳各
在爾身已切豈復關吾邪鬼惟知愛深松茂柏寧知
子弟毀譽事因汝有感故略敘胸懷

遺崔祖思字敬元

劉善明

昔時之游于今邈矣或携手春林或負杖秋澗逐清

高見

風於林杪。追素月於園垂。如何故人徂落。殆盡足下方。擁旄北服。吾剖竹南甸。栢去千里間。以江山人生如寄。來會何時。

答府名

宗測 字敬徵

性同鱗羽。愛止山壑。眷戀松筠。輕迷人路。縱容巘流。有若狂者。忽不知老。至而今鬢已白。豈容課虛責。有限魚慕鳥哉。

荅魚復侯子響

宗測

少有狂疾。尋山采藥。遠來至此。量腹而進。松木度形。而衣薜蘿。澹然已足。豈容當此橫施。

尺牘雋言 卷六 十一

荅張永

沈鱗士 字雲禎

明府德履。沖素留心。山谷民是以被褐負杖。忘其疲病。必欲飾混沌以蛾眉。冠越客於蟬冕。走雖不敏。請附高節。有蹈東海而丸耳。未忍受此黥劓。

求自試

王融 字元長

臣聞春庚秋蟀。集候相悲。露木風榮。臨年共悅。夫惟動植。且或有心。況在生靈。而能無感。臣自奉望宮闕。沐浴恩私。拔跡庸虛。叅名盛列。纓劍紫複。趨步丹墀。

知極

悠然物外

遊世語

歲時歸來誇榮邑。里然深恩鮮報聖。主難逢。蒲柳先秋。光陰不待貪。及明時。展悉愚効。以酬陛下不世之仁。若徵誠。獲信短才。見序文武吏法。惟所施用。

謝竟陵王賜裘

王融

降飾自尊。垂榮及賤。玄玉不純。曾波奪采。南陸方永。北風日壯。無衣無褐。發念聖衷。而挾纊之問。每流解裘之賜。偏安。

謝竟陵王示法制

王融

翊慧燭於昏途。灑灑水於塵路。至夫澄心洗累之規。

尺牘雋言

卷六

十二

莊情束影之制。解網出界之訓。滅惑淨照之旨。行首霜威。字端風厲。信可以糟滓五書。糠氛百氏。所謂窺七澤而狹橫。汗登泰出而小天下。

與劉虬

王融

玉燭登年。金商在律。炎涼始貿。動靜惟安。勤味道腴。業遵雅尚。良書獨擁。善談無析。願言之子。實瘳我心。不遠千里。又書道意。

謝隨王賜紫梨

謝朓

字玄暉

味出靈關之陰。旨珍玉津之滋。豈徒真定歸美。大谷。

慙滋將恐帝臺妙裳安期靈棗不得孤擅王盤獨甘
仙席雖秦君傳器漢后推餐望古可儔於今何荅

與王儉字仲實

張充字延符

充生平少偶不以利欲干懷介然之志峭聳霜崖確
乎之情峰橫海岫影纓天閣旣謝廊廟之華綴組雲
臺終慚衣冠之秀所以擯跡江臯狎狂隴畔長羣魚
鳥畢影松阿半頃之田足以輸稅五畝之宅樹以桑
麻嘯歌於川澤之間諷詠於澗池之上泛濫於漁父
之游偃息於卜居之下如此而已

尺牘雋言 卷六

十三

奏記新安王

江淹字文通

淹東國之徒步耳方斂影逃形匡坐編蓬之下遂遭
煙露餘彩日月末光惟恩知泰變色薰心

上建平王箋

江淹

淹乃庸人素非奇士徒以結髮衛次暫聞仁義常欲
永辭冠劍弋釣畎畝而身輕恩重猥奉末光枉白璧
之惠降黑貂之私因茲感激未能自反負金羈於淮
吳從後車於河楚竟不能曜丹臆騰英聲絕白雲負
蒼梧至可知矣不謂咸池再暉瑤光重照開高天之

慈布厚地之施。承命以驚。巡走且失。

與蕭令王僕射

虞羲字子陽

袁侍中名象字偉才體高亮之宏姿。挺孤奇之逸藻。孝友

結於衡閭。忠正表於邦域。顧與善無徵。報施徒語。岱山委岫。崑岳摧峰。四海縉紳。誰不掩泣。明公德冠。時宗道高。物表若得。橫議聖時。斟酌今古。採茂實於當年。標芳流於千載。馳徽謚於山道。潤貞氣於泉門。豈非體國之至公。典謨之盛軌者耶。

與傅琰

玄暢

尺牘馬言 卷六

十四

貧道栖荆累稔。年衰疹積。厭毒人喧。所以遠託岷界。卜居斯阜。抱郭懷邑。迴望三方。負巒背岳。遠矚九界。以去年四月。創功覆篲。輒疏山讚。以露愚抱。

尺牘雋言卷之七

閩莆陳臣忠景周甫輯 吳興閔邁德日斯甫校

梁

勅昭明太子統

武帝

聞汝所進過少。轉就羸瘵。我比更無餘病。正為汝如此。胸中亦圯塞成疾。故應強加餽粥。不使我恒爾懸心。

勅湘東王繹

武帝

到溉字茂灌非直為汝行事。足為汝師。間有進止。每須

尺牘雋言 卷七

諮訪

與何胤字子季

武帝

疇昔歡遇。度裾儒肆。實欲卽遊千載。畋漁百氏。一行為吏。此事遂乖。君清襟素託。棲寄不近。往識禍萌。實為先覺。超然獨善。有識欽嗟。今者為邦。貧賤咸取。好仁由已。幸無凝滯。矯首還翰。慰其引領。

手勅何胤

武帝

吾雖不學。頗好博古。尚想高塵。每懷擊節。今世務紜亂。憂責是當。不得不屈道巖阿。共成世美。必望深達。

往懷不吝濡足。

又勅

武帝

頃者學業淪廢。儒術將盡。本欲屈卿暫出。開導後生。既屬廢業。此懷未遂。延佇之勞。載盈夢想。理舟虛席。須俟來秋。所望惠然。申其宿抱耳。

手詔何點字子哲

武帝

昔因多暇。得訪逸軌。坐修竹。臨清池。忘今語古。何其樂也。覽別丘園。十有四載。人事艱阻。亦何可言。自應運在天。每思相見。密邇物色。勞甚山阿。嚴光排九重。踐九等。談天人。敘故舊。有所不臣。何傷於高。今賜卿鹿皮巾等。後數日望能入也。

尺牘雋言 卷七

二

勅謝朓

武帝

自居元首。臨對百司。雖復執文經武。各修厥職。而鎮風靜俗。變教論道。自非箕穎高人。莫膺茲寄。是用虚心。側席屬想。清塵便望。釋蘿襲袞。出野登朝。必不以湯有慙德。武未盡善。使璧帛虛往。蒲輪空歸。羲軒邈矣。古今殊事。不獲總駕。崆峒依風。問道方復。引領雲臺。虛已宣室。紆賢之媿。載結寢興。

字法標新

荅湘東王

簡文帝

試筆成文。臨池染墨。疏密俱巧。真草皆得。似望城扉。如瞻星石。不營雲飛之散。何待曲辱之丹。方當奉彼庭中。置之帳裏。乍楷銅鈎。時懸欹案。戢意之深。良不能已。

與劉孝綽

簡文帝

頃擁旄西邁。載離寒暑。曉河未落。拂桂棹而先征。夕鳥歸林。懸孤帆而未息。足使邊心憤薄。鄉思遄迴。但離潤已久。載勞寤寐。佇聞還驛。以慰相思。

尺牘萬言 卷七

三

荅張纘

字仲緒

簡文帝

春庭樂景。轉蕙承風。秋雨且晴。檐梧初下。浮雲生野。明月入樓。時命親賓。乍動嚴駕。車渠屢酌。鸚鵡驟傾。伊昔三邊。久留四戰。胡霧連天。征旗拂日。時聞塲笛。遙聽塞笳。或鄉思悽然。或雄心憤薄。是以沉吟短翰。補綴庸音。寓目寫心。因事而作。

與蕭臨川

簡文帝

零雨送秋。輕寒迎節。江楓曉落。林葉初黃。登舟已積。殊足勞止。解維金闕。定在何日。想征艫而結歎。望桂

席而霑衿。白雲在天。蒼波無極。瞻之岐路。眷慨良深。

苔蕭子雲 字景喬

簡文帝

得所送飛白書。繚屏蠹十牒。冠六書而獨美。超二篆而擅奇。乍寫星區。時圖鳥翅。非觀觸石。已覺雲飛。豈待金璫。便覩蟬翼。聞諸衣帛。前哲未巧。懸彼帳中。昔賢掩色。

與湘東王令

簡文帝

明威 王規 風韻適正。神峰標映。千里絕跡。百尺無枝。

跌宕之情。彌遠濠梁之氣。特多一爾。過隙永歸。長夜

尺牘 雋言 卷七

四

金刀掩苳。長淮絕澗。去歲冬中。已傷劉子。今茲寒孟。

復悼王生。俱往之傷。信非虛說。

與廣信侯

簡文帝

仰承縱賞山中。遊心人外。青松白露。處處可悅。奇峰怪石。極目忘歸。加以法水晨流。天華夜落。往而叵返。有會昔言。牽物從務。無由獨往。仰此高蹤。寸心如結。

又

咫尺玄門

悲思

伏承淨名法席。親承金口。辭珍鹿苑。理愜鷲山。微妙密藏於斯。既隆在巖道場。自茲彌闡。豈止心燈。夜炳。

亦乃意蕊晨飛每憶華林勝集沐浴妙言席罷日餘
退休傷省携手登臨兼展談笑仰望九層俯窺百尺
金池動月玉樹含風當於此時足稱法樂下車以來
義言蓋少影末波餘希時灑拂但睽違轉積興言盈
臉願加亮納言不宣心

與劉孝儀

孝儀從弟遵卒太子深痛借之

昭明太子

吾昔在漢南連翩書記及忝朱方從容坐首良辰美
景清風月夜鷁舟乍動朱鷺徐鳴未嘗一日而不追
隨一時而不會過酒闌耳熱言志賦詩校覆忠賢權
尺牘萬言卷七揚文史益者三友此實其人

尺牘萬言

卷七

五

與張纘論張緬

昭明太子

賢兄學業該通蒞事明敏自列宮朝二紀將及義惟
僚屬情實親友文筵講席朝遊夕晏何曾不同茲勝
賞共此言寄如何長謝奄然不追且年甫強仕方申
才力摧苗落穎彌可傷惋念天倫素睦一旦相失如
何可言言及增哽擘筆無次

字法新米

昭明山賓

字孝若

昭明太子

明祭酒雖出撫大藩擁旌推轂珥金拖紫而恆事屢

刺心語

切中

空聞構宇未成。今送薄助。

與湘東王繹

邵陵王綸

夫征戰之理。義在克勝。至於骨肉之戰。愈勝愈酷。捷則非功。敗則有喪。勞兵損義。虧失多矣。侯景之軍。所以未窺江外者。正為藩屏盤固。宗鎮強密。若自相魚肉。是代景行師。景便不勞兵力。坐致成效。醜徒聞此。何快如之。

下教荊州

安成王秀

處士河東韓懷明。南平韓望。南郡庾承先。河東郭麻。

尺牘雋言

卷二

六

竝脫落風塵。高蹈其事。或椽。或葺。善。惟日不足。或葭。牆。艾。席。樂在其中。昔伯武負堅。就任河內。史雲孤劬。屈志陳留。豈曰苗場。實惟攻玉。可加引辟。并遣喻意。既同魏侯。致禮之請。庶無辟疆三緘之歎。

梁國府僚勸進牋

任昉

字彥昇

嗣君棄常。自絕宗社。國命民生。翦為仇讐。折棟崩榱。壓馬自及。明公亮格天之功。拯水火之切。再纏日月。重綴參辰。反龜玉於塗泥。濟斯民於阨岨。宜祗奉天人。允膺大禮。無使後予之歌。同彼胥怨。兼濟之仁。翻

爲獨善。

荅何胤

任昉

得書知便遠。追疏董超然。高蹈輕棹已遠。供餞莫申。懷人望古。潛悵久之。

求爲劉瓛立館

任昉

劉瓛。澡身浴德。脩行明經。賤珪璧於光陰。竟松筠於歲晚。而困無居止。浮寓親游。垣棟傾替。室衢墊側。有朋自遠。無用棲憑。皆負笈擔簣。風沐露軌。欲與之周旋。開館招屈。臣第西偏。官有閒地。雖曰人境。實少茨宇。

荅沈士麟

沈約 字休文

尊賢拔俗。遙然沈冥。自遠幽貞之操。義高篆策。約少不自涯。早愛蟲鳥。逐食推遷。未諧夙願。冀幽期可托。克全素履。與尊弋釣泉臯。以慰開暮。則生平之心。於此遂矣。

與陶弘景 字通明

沈約

先生糠粃流俗。超然獨遠。列電羽帶。總轡雲霞。方當

崔調

名書絳簡身游玄闕。憑星久卧。望日朝餐。而至理深微。暖馬難睹。雖欲下風問道。未知厥路。若夫栖遲閒遠。咀嚙瓊芝。出入清都。師友靈聖。循崖反跡。無缺惟心。

報博士劉杳

字士深

沈約

生平愛嗜不在人中。林壑之歡多與時奪。猶復少存閑遠。激懷清曠。結宇東郊。匪云止息。政復頗寄夙心。時得休偃。君愛素情多惠。以二贊辭采妍。富事義畢。舉句韻之間。光影相照。便覺此地自然十倍。輒當置之閣上。坐卧嗟覽。別卷諸篇。並爲名製。又山寺旣爲警策。諸賢從時復高奇。解頤愈疾。義兼乎此。遲此敘會。更共申析。

報王筠

沈約

覽所示詩。實爲麗則。聲和被紙。光影盈字。夔牙接響。顧有餘慙。孔翠羣翔。豈不多愧。下情拙目。每佇新奇。爛然總至。懽興已盡。

謝齊竟陵王示華嚴瓔珞

沈約

六時雨散。百氏雲興。或事止褒刺。或義單小辯。莫不

雕風燴之氣狀。流日月之英華。明公該玄體妙。凝神
宙表。磨法雲於六合。揚慧日於九天。因果悟其初心。
菩提證其後葉。涉無生之遠岸。泛正水之安流。爰建
三遠十號之尊。崇四辯八聲之妙。極法身於金剛。齊
固常住。與至理俱存。

致徐勉

字脩

伏挺

字士

朝野懸隔。山川邈殊。雖咳唾時沾。而顏色不覲。加以
靜居廓處。顧影莫酬。秋風四起。園林易色。涼野寂寞。
寒虫吟叫。懷抱不可直置。情慮不能無託。時因吟咏。

尺牘舊言

卷二

九

動輒盈篇。一日聊呈小文。不期過賞。還逮隆渥。累牘
兼翰。紙縟字磨。誦復無已。徒恨許與過當。有傷準的。

報伏挺

徐勉

鄉雄州擢秀。弱冠升堂。穿綜百家。佃漁六學。觀眸表
其韶慧。視色見其英朗。若魯國之名駒。邁雲中之白
鶴。及占顯邑。試吏餘壤。將有武城絃歌。桐鄉謠咏。豈
與卓魯斷斷同年。而語邪。方當見賞良能。有加寵授。
節茲簪帶。寘彼周行。而欲還幙卷舒。周懷愚智。既知
益之爲累。爰悟滿則辭多。高蹈風塵。良所欽挹。今逃

聽。傍。求。興。懷。寤。宿。白。駒。空。谷。幽。人。引。領。故。當。捐。此。薜。蘿。出。從。鶴。鷺。無。垂。隱。顯。不。亦。休。哉。

誠子崧

徐勉

吾清明門宅。無相容處。意謂此逆旅舍爾。何事須華。常恨時人謂是我宅。古往今來。豪富繼踵。高門甲第。連闈洞房。宛其苑矣。定以誰室。但不能不爲崕嶮之山。聚石移果。雜以花卉。以娛休沐。用托性靈。隨便架立。不在廣大。經始歷年。粗已成立。桃李茂密。桐竹成陰。滕脉交通。渠畝相屬。華樓迴榭。頗有臨眺之美。孤峰叢薄。不無糾紛之興。冬日之陽。夏日之陰。良辰美景。文案間隙。負杖躡履。逍遙陋館。臨池觀魚。披林聽鳥。濁酒一杯。彈琴一曲。求數刻之暫樂。庶居常以待終。不宜復勞家間細務。

答謝中書

陶弘景

山川之美。古來共談。高峰入雲。清流見底。兩岸石壁。五色交暉。青林翠竹。四時俱備。曉霧將歇。猿鳥亂鳴。夕日欲頽。沈鱗競躍。實是欲界之仙都。自康樂以來。未復有能與其奇者。

達識

真可樂

佳勝

荅虞中書

陶弘景

棲六翮於荆枝。望綺雲於青漢者。有日於茲矣。而春華來被。草木開鮮。辭動情端。志交襟曲。信知鄰德之談。無虛往牘。夫子雖迹躋朱閣。而心期岱嶺。豈但散髮高岫。似將飛霜絕谷。野人幸得託形崇阜。息影長林。每對月流歎。臨風軫慨。徒事累可豁。而髮容難待。自非齊生。死於一致。孰不心熱者乎。

荅趙英才

陶弘景

子架學區中。飛才甸外。不肯掃門覓仕。復懶彈鋏求尺牘雋言。卷七
十一
通。故偃蹇園巷。從容郊邑。昔所謂傲賓者。此其是乎。巖下鄙人。守一介之志。非敢蔑榮。出俗自致。雲霞任性。靈而直往。保無用以得閑。壟薪井汲。樂有餘歡。切松煮朮。此外何務。

與從兄

陶弘景

仕宦期四十左右。作尚書郎。卽抽簪高邁。今三十六。方作奉朝請。頭顱可知。不如蚤去。

與武帝

陶弘景

常言人生數紀之內。識解不能周流。天壤區區。惟充

知止

得趣

足洗俗腸

恣五慾實可恥愧每以為得作才鬼亦當勝於頑仙
至今猶然始欲翻然願自無射以後國政方殷山心
歎默不敢復以閒虛塵觸謹於此題事故遂成煩黷

荅釋曇鸞

陶弘景

去月耳聞音聲茲辰眼受文字將由頂禮歲積故使
真應來儀正余整拂藤蒲具陳花水端衿斂思竚聆
警錫

荅皇太子

何胤

胤性愛山泉情篤魚鳥而從鷗未狎入獸相驚胤年

尺牘舊言

卷七

十二

齒衰暮荒徑榛梗緘默猷畝棲息丘壑秀木清潭於
茲永已伏惟明察之德誕縱自天忠孝之規不待因
習猶留神六經降意百代闢承華而延儒雅掃黃闈
而列文學胤無解頤之談屢蒙翦飾匪南皮之舊每
荷問存銜茲汗朽罔知攸寘

訪陶弘景

梁朝公卿

嘗竊觀仙書輒嗟欣恣倦徒羨其文莫測其理尋七
尺之體既同稟太始俱服五常以何因緣獨超青雲
而弊金石者乎先生領袖玄門學究仙苑必有以竭

其川岍。請略聞雅說。

上武帝評書

袁昂字千里

臣謂鍾繇書。意氣密麗。若飛鴻戲海。舞鶴遊天。蕭思話書。走墨連絲。字勢屈強。若龍跳天門。虎臥鳳閣。薄紹之書。字勢蹉跎。如舞女低腰。仙人嘯樹。乃至揮毫振紙。有疾閃飛動之勢。臣淺見無聞。暗於明滅。寧敢謬量山海。以聖命自天。不得斟酌。過失是非。如獲湯炭。

辭府牋

王僧儒

尺牘雋言 卷七

十三

僧儒為南康王長史。王典籤湯道愍用事。府內僧儒侮裁抑之道。恐遂謫訟。僧儒逮詣南司奉牋。

辭府

下官生年有值。謬仰清塵。假翼西雍。竊步東閣。恩禮遠過。申白榮望。多廁應徐。厚德難逢。小人易說。方謂離腸。隕首不足以報一言。露膽披誠。何能以酬。屢顧寧謂蔚羅。裁舉微禽。先落閭闔。始吹細草。仍墜一辭。九畹方去五雲。縱天網是漏。聖恩可恃。亦復孰寄心骸。何施眉目。方當橫潭。亂海就魚鼈。而為羣。披榛捫樹。從虺虺而相伍。豈復仰聽金聲。式瞻王色。顧步高

興致淋漓

軒悲如霰委。踟躕下席。淚若縷縻。

與何炯

字士光

王僧儒

近別之後。將隔寒暄。思子爲勞。未能忘餌。昔李叟入秦。梁生適越。猶懷悵恨。且或吟謠。况岐路之日。將離嚴網。辭無可憐。罪有不測。蓋畫地刻木。昔人所惡。叢棘旣累。於何可聞。所以握手戀戀。離別珍重。

投効歸來。恩均舊隸。一見而降顏色。再覩而接語言。非藉左右之容。無勞羣公之助。又非同席共研之風。逢筭餌卮酒之蚤識。一旦陪武帳。仰文櫬。入班九棘。

尺牘雋言

卷七

十四

出專千里。福過災生。人指鬼瞰。不能蚤從。曲影遂乃取疑邪徑。譬懸厨之獸。如離繳之鳥。將充庖鼎。以餌鷹鷂。幸聖主留善貸之德。紆好生之施。解網祝禽。下車泣罪。愍茲恚詬。憐其殼棘。加肉朽齒。布葉枯株。輟薪止火。得不銷爛。所謂還魂斗極。追氣泰山。此五十年之後。人君之賜焉。

嚴秋殺氣。具物多悲。長夜展轉。百憂俱至。况復霜銷草色。風搖樹影。寒蟲夕叫。含輕重而同悲。秋葉晚傷。雜黃紫而俱墜。蜘蛛落幕。燿熠爭蜚。故無車轍馬聲。

如訢如泣

寫志劉切

何聞鳴雞吠犬。俛首事妻子。舉手謝賓游。方與蜚走
爲鄰。永用蓬蒿白沒。愜其長息。忽不覺生之爲重。

荅江琰

王僧儒

猥惠嘉音。用蠲疾首。發函伸紙。朗若披雲。等嶮谷之
清音。比洞庭之高曲。辭則美矣。而擬其非倫。譬享海
鳥以醇醪。嘉膳。栖林。伉以崇楹。曾拱。苟非其實。立有
驚怖。况復一離。訴棄。賓實。濯然。豈復能使一筍。可輕
入廚。斯引。且登清漢。乍棄黃汗。望影折支。爭塗再楫。
其或躡林。卧石。籍卉。班荆。不過田峻。野老。漁父。樵客。
尺牘雋言。卷七。十五

自有真樂

與陳居士

王僧儒

雲波遙夏。燕越數千。行雲鬱林。征禽難使。用隔巾車。
未能搨札。引領南望。悵矣心飛。幸因少薄。懷章貴壤。
已入虛白之室。用披蓬蒿之徑。稟紛綸之高論。承希
微之妙旨。虛往實歸。用祛塵惑。

荅法雲師

韋叡

蒙示天製。謹加讀誦。垢吝雲消。特兼歡怵。法師果深

昔緣因會今法離五慾而入八解去三界而就一乘
復得豫聞德音彌足忻讚惠告沾及戢佩實深

與永豐侯

劉孝儀字子儀

足踐寒地身犯朔風暮宿客亭晨炊謂舍飄飄辛苦
迄屆甑鄉雜種單化頗慕中國而毳幘難淹酪漿易
厭王程有限時及玉闕射鹿胡奴乃共歸國刻龍漢
節還持入塞馬銜首藟嘶返故墟人獲蒲萄歸種舊
里稚子出迎善隣相勞倦握螭螭亟覆蝦枕每取朱
顏略多自醉用此終日亦以自娛

可喜

尺牘鳥言 卷七

十六

追答劉洸字明信

劉孝標

劉侯既重有斯難值予有天倫之感竟未之致也尋
而此君長逝化爲異物緒言餘論蘊而莫傳或有自
其家得而示余者余悲其音徽未沫而其人已亾青
簡尚新而宿草將列滋然不知涕之無從也雖隙駟
不畱尺波電謝而秋菊春蘭英華靡絕故存其梗槩
更酬其旨

說得可傷

荅郭峙

劉孝標

聞君子舊矣但人非豕鹿轉加遲滯波駁雨滯動間

山川故無由交羽觴薦雜佩睨浮雲以搔首臨清風而浩歌變燧迴星亦云勞止

稱族子訐歆

訐字彥度歆字士光

劉孝標

訐超超越俗如半天朱霞歆矯矯出塵如雲中白鶴皆儉歲之梁稷寒年之織纊

與劉孝標借類苑

劉之遴

字思貞

間聞足下作類苑括綜百家馳騁千載撮道略之英華搜羣言之隱贖鉛摘既畢殺青已就義以類聚事以羣分述作之妙揚班儔也擅此博物何快如之吾尺牘雋言卷七 一七

為衡山侯與婦侯名恭字敬範

何遜

字仲言

昔人遨游洛汭會遇陽臺神仙髣髴有如今別雖幃前微笑涉想猶存而幄裏餘香從風且歇掩屏為疾引領成勞鏡想分鸞琴悲別鶴心如膏火獨夜自煎思等流波終朝不息聊陳往翰寧寫欵懷遲枉瓊瑤慰其杼軸

別思宛轉

與施從事

吳均字叔牽

佳語

故鄣縣東三十五里有青山絕壁干天孤峰入漢綠
嶂百重清川萬轉歸飛之鳥千翼競來企水之猿百
臂相接秋露爲霜春蘿被徑風雨如晦雞鳴不已信
足蕩累頤物悟衷散賞

與朱元思

吳均

風煙俱淨天山共色從流飄蕩任意東西自富陽至
桐廬一百許里奇山秀水天下獨絕水皆縹碧千丈
見底遊魚細石直視無碍急湍甚箭猛浪若奔夾峰
高山皆生寒樹負勢競上互相軒邈爭高直指千百
尺牘雋言 卷七 十八

與顧章

吳均

僕去月謝病還竟薛蘿梅溪之西有石門山者森壁
爭霞孤峰限日幽岫含雲溪深蓄翠蟬吟鶴唳水響
猿啼英英相雜綿綿成韻既素重幽居遂葺宇其上
幸富菊花偏饒竹實山谷所資於斯已辦仁智所樂
豈徒語哉

答湘東王繹

謝幾卿

自奉違南浦。卷迹東郊望。日臨風。瞻言佇立仰尋惠。渥陪奉遊宴。漾桂棹於清池。席落英於曾坼。蘭香兼御。羽觴競集。側聽餘論。沐浴玄流。莫不相顧。動容服心。勝口不覺。春日為遙。更謂脩夜為促。嘉會難常。搏雲易遠。言念如昨。忽焉素秋。

為李慶州孟堅使與單無名

謝幾卿

足下南中盛族。嶺表豪門。籍譽既深。承芳已舊。但道曠風雲。論平生而莫即。江山間阻。銜杯酌以何因。空想神魂。徒勞夢寐。

尺牘雋言

卷二

一九

謝東宮賚園

張纘

性愛山泉。頗樂間曠。常願卜居幽僻。屏避喧塵。傍山臨流。面郊負郭。依林結宇。憩桃李之夏陰。對徑開軒。採橘柚之秋實。此園左帶平湖。修陂千頃。右臨長薄。清潭百仞。前逼逸陌。朝夕爽塏。後望鍾阜。表裏煙霞。每瞻春迎。夏華卉競發。背秋向冬。雲初澄霽。歸瞰戶牖。不異登臨。升降階墀。已窮歷覽。

辭餽遺

江革

我通不受餉。不容獨當故人筐。篚

